



Jumat, 07 Juni 2024
Ogen: Sakaria 8:1-5



“Erguro-guro”



Sakaria 8:1-5 enda pe ncidahkan kerna kekelengen Dibata kempak bangsaNa. *“KekelengenKu man Jerusalem seh kel belinna, janah perban kelengna ateKu, nembeh ateKu kempak musuh-musuhna”*. Keleng ate Dibata si bage belinna nandangi bangsaNa teridah i bas ayat 3 *“mulih me Aku ku Sion, janah ringan i Jerusalem, kutangKu si badia e”*. Dibata encidahken kekelengenNa alu gambaren bagi danak-danak dilaki ras diberu erguro-guro; teridah hubungan si akrab dengen la lit tuntutan nandangi sada ras sidebanna. Nggeluh alu dame dengen meriah.

Istilah erguro-guro (bersenda gurau) icidahken man kalak si nggo akrab entah pe hubungan kekeluargaan si ndeher. Umpamana: hubungan er-impal-aminna impal e sada nggo erjabu sada lenga, lit dalam impal e erguro-guro man impalna si nggo erjabu; hubungan ras teman meriah pe megati ilakonken alu cara erguro-guro. Kata erguro-guro enda nuduhkan kerna hubungan si akrab nandangi sada ras sidebanna. Erguro-guro ncidahkan maka la lit beban entah pe persyaratan i bas hubungan; erguro-guro nuduhkan maka kalak si bersangkutan lit iketen emosional si cukup mehuli. Istilah erguro-guro enda pe la ipake ibas kitab sakaria saja tapi pe ibas kitab-kitab sideban (Kejadin, Job, Jesaya, Matius ras Lukas). Hal enda ngataken maka istilah erguro-guro jadi sada hal si perlu iperdiateken, terkhusus kel nandangi hubungan sada ras sidebanna. Tupung terjalin hubungan si akrab kita pasti nyaman lako erguro-guro rassa. Hubungan pribadi si akrab ras Tuhan mabai kita pe nyaman lako berhubungan ras temanta manusia. Hubungan pribadi si akrab ras Tuhan mabai kita lako maba kedamen nandangi doni ras sekelewetta. Cara Dibata gelah gambaren erguro-guro (litna rasa nyaman) eme arah mpekena mulihi hubunganNa ras bangsaNa.